

Gons Gons schlimm

Wie ich deletz d in de Grawestrooß de Schorsch getroffe habb, doo seeder: Honnes, was isses su gut, dass mir in Flerschem dehoom sinn unn nitt in Limborch.

Isch habb gedenkt, isch deet wisse wasser moont, habb awwer doch gefroochd: Ei warum donn, Schorsch?

Ja, seet de Schorsch, ei weesche dene Noochrischde aus unserne Bischofsstadt vor e paar Daach. Was habb isch mich uffgereeschd.

Isch saach: Uffreesche due isch mich iwver Limborch schunn long nimmi, weil was merr doo heert, iss gons schlimm.

Doo grinst de Schorsch: Ja, Gons schlimm, du waaßt also iwver was isch mich su uffgereeschd habb?

Isch habben vunn de Seit her oogeguggd weil isch langsam kabierd habb wasser eischendlich wollt, habben awwer gefroochd: Iwver was hosde dich su uffgereeschd?

Honnes, seet de Schorsch, doo hawwe die doch omm Rothaus su e Gloggespill, was verschiedene Lieder spille dut, unn oo Lied iss debei dess heeßt – no, wie duts haaße? Isch grins: Hänschen klein, odder?

Schleeschdschwätzer, seet de Schorsch, du waaßt su genau wie isch, dasses um dess Lied „Fuchs du hast die Gans gestohlen“ gieht und dass e Fraa dess Lied nimmi heern kann unn verlondg hott, dasses nimmi gespilld werdd. Doo giehts doch um e Gloggespill odder werdd doo was gesunge?

Naa, saach isch, gesunge werdd doo nix. Merr heert nor die Glogge.

De Schorsch hott de Kobb geschiddeld. Unn wie kimmt die Fraa uff de Text? Die dut den bestimmt im Kopp mettsinge, dess iss bei dere wie su enn Ohrwurm, den die nimmi loswerrn kann. Unn dessdeweese singt ihrn Kobb alls mett: „... sonst wird dich der Jäger holen mit dem Schießgewehr.“

Die Fraa soll Veganern soi, saach isch, also isst die nix, was mett Diern ze due hott.

De Schorsch druff: Moont die, dass onnern Leit Fuchsfleisch esse? Unn mir wisse joo wie dess Lied ausgieht: „Liebes Fuchslein, lass dir raten, sei doch nur kein Dieb; nimm, du brauchst nicht Gänsebraten, mit der Maus vorlieb.“ Gibt's Leit, die Meis esse?

Jetzt habb isch gegrinst. Doo werdds nitt long dauern, bis die Diabetiker verlange, dass onn Weihnachte nimmi „Süßer die Glocken nie klingen“ gespilld werdd.

In dem Aacheblig iss de Karl dezu kumme unn noochdem merrm gesaad hawwe, iwver was mir schunn die gons Zeit babbele, seeder: Doodezu basst, dass jetzt enn Monn aus Offebach die Stadt verklaachd hott, die Stadt missdem weesche emm Lied unn unlauterne Werbung in dem Lied 250.000 Euro bezahle.

Um Gotteswille, rieft de Schorsch, Karl, was issen dess ferr e Lied unn warum will der Monn su vill Geld?

De Karl druff: Ess iss dess Lied „Lieblich so zwischen dem Taunus, dem Main, liegt unser goldisches Örtche ...“ Ei dess hott der Monn vor zwaa Jahr uffere Fassenachts-sitzung in de Stadthall geheerd unn hott sich doodruffhie e Wohnung ferr 250.000 Euro in de Rheinallee kaaft. Unn alser oigezooche iss unn gemerkt hott, dass die Fluuchzeuche genau iwvern fliehe dun, willer jetzt vunn de Stadt soi Geld zurick, weil Flerschem wär koo goldisch Örtche! Unn lieblich wärs schunn iwverhaupt nitt.

Seet de Schorsch: Wenn schunn enn Offebacher nooch Flerschem zieht! Uns duts gefalle, unser Flerschem, gelle.
Eiern Honnes